

تورک یوردی

تورک ادب‌انگاری مرکزی هیئت طرفندره نشر اولغور.

جلد ۲

تیسان ۱۳۴۱

نومرو ۷

تورکیه ده ابتدائی معارف

معارف وکالتی ۳۴۱ بودجه سیدی. بویوک ملت مجلسنده مذاکره اولونیوردی. بنده سوز آلمشدم. بنی سوز آلمایه اجبار ایدن، اولجه موجود اولوبده بوسنه طی ایدلمش اولان ولایات مکاتبه معاونت فصلی ایله لیلی ابتدائیلره تخصیص ایدیلن پاراک آزلغی ایدی. محترم آرقداشلرم بودجه حقنده اوزون بیاناتده بولونمشلردی. بوسوزلرک برقمی چوق قیمتدار اولدیغی ایچون شهسز بنده اشتراک ایدرم. فقط برقمی اجرا و تطبیق قابلیتی اولمایان بعضی تمیلردن عبارتدی. تمنی ایدیلن شیلرک یایلمسی ممکن شیلردن اولسی لازمدر. ممکناتدن اولمایان تمیلر، تمنی ساحه سنده قالیر؛ اوحوددی تجاوز ایده مز. هیمز آرزو ایدرز که مملکتیمزک هر طرفده؛ یوردیمزک هر گوشه سنده مکتبلیمز، عرفان مؤسسه لریمز اولسون. بو، الک حار و صمیمی دویغولریمزدر؛ الک قدسی و شرفلی دیلکلیریمزدر. فقط بو کونکی بودجه ایله، بو کونکی واردات منبعلریمزله بوقابلیمدر؛ اصل تدقیق و مطالعه اولونه جی نقطه بوراسیدر. معارفیمزک تدنی ایتدیکنی، وضعیتک فجیع اولدیغنی سویله یلرده اولدی. معارفیمزک، بالخاصه معارف ابتدائیه مرکز تدنی و یا ترقی ایتدیکنی، وضعیتک فجیع و یا غیر فجیع اولدیغنی تعیین ایچون تورکیه ده معارفک، معارف حیاتک سیرینی، کچیردیکی صفحاتی، اوکا عائد تاریخی تدقیق ایتک لازمدر. بوتدقیق و مطالعه یایلمادن، سویله نه جک سوزلر، احصائی معلوماته استناد ایتهدن ویریه جک حکم، چیقاریله جی نتیجه دوغری دکلدیر؛ یا کلشدر، قطعیت افاده ایده مز. معلومدر که: تورکیه ده معارف حیاتی، دهها دوغریسی معارف دویغولری ۱۲۴۰ تاریخندن باشلار. بوتاریخه قادار تورکیه ده باشقه برطرز تدریس واردی. بو طرز تدریس تورک دیارنده، تورک یوردنده تورکجه نی اوکرتمکدن چوق اوزاقدی. بوشکل تدریس ایله مملکت، علمی، اداری، اجتماعی، سیاسی حیاتده آدام یتشدیرمک امکافی یوقدی. بو، کهنه بر

اصولك قارائلىق يوللايدى . بوتون ملتار عرفان حياتنده ديوآديملرله ايلرويه
 دوغرى كيدر كن تور كيه نك اسكى اصول و غننه لره صاپلانمى برفلاكت اولاجقدى .
 بونقطة حياتيه يى ادراك ايدن ، آتېنك قارائلىق و نورلرېنى كورهن ، اوزمانك منورلرى
 بر معارف انقلابى يايغنى دوشونديلر ؛ بېك بر مانعه لر او كنده بوفكرى ، بودويغوى
 ملكته سوقايه چاليشديلر . بوملكت ايچون ايلك خيرلى و نورلى بر دويغوايدى .
 يكرمى سنه صو كرا ۱۲۶۴ سنه سنده فيضى و يرمكه ، اطرافنى نورلاندرمغه باشلادى .
 بوتاريخده استانبولده بش عدد رشدى مکتبى آچيلدى . ۷۶ سنه اول اسكى تور كيه نك
 اوواسع الكه نك معارف حياتى و مکتبلر موجودى استانبولده كى بوش رشدى
 مکتبندن عبارتدى . بومکتبلر ك بر قاچ سنه صو كرا يتشدير ديكى طلبه اوزمان ايچون
 چوق قيمتلى نتيجه لر اولدى . تور كيه افقنده نورلى اميدلر باش كوستردى . هر كسده
 باشقه ، باشقه حسلر اوياندى . (۲۶۹) سنه سنده بواحتياج و بولزوم كنديسى
 كوستردى . آرتق هر طرف بونورلى مؤسسه لردن ايسته يوردى . مختلف ولايتلرده
 يكرمى بش رشدى مکتبى آچيلدى . كيتدكجه بوتوسيع ايدلدى . (۱۲۸۲) تاريخده
 بوتون تور كيه ده آنجق (۵۳) رشدى مکتبى واردى . بواوزمان ايچون برشى
 ايدى ، بر موفقيت ايدى . (۱۲۹۰) و (۱۳۰۰) تاريخنه قادار بودجه نك مساعدى
 دائره سنده هر طرفده مکتبلر كشادينه دوام اولوندى . بوتاريخلرده تور كيه ده (۲۰۹)
 مکتب (۱۰۶۲۰) طلبه اولمشدى . (۱۳۰۰) دن (۱۳۲۴) تاريخنه قادار
 يكرمى درت سنه ظرفنده مکتب مقدارى درت مثلى و طلبه مقدارى ده بش مثلى
 آرتمشدر . بوندن صو كرا مشروطيت دورى باشلار . بردور ك مکتبلر و عرفان
 اوزرنده فنا تاثيرلر براقديغنى ادعايدنلر وارسه ده بوادعالر دوغرى دكلدر . تدقيقسز ،
 تحقيقسز سوزلردر . بلكه ده بر مقصد مخصوص ايله ايجاد ايدلش حقيقته اويمايان
 افاده لردر ، حقيقت بوسبتون باشقه دز .

ولایت اسماری	مشروطیت سره اول		مشروطیت سره صکره	
	مکتب عددی	طلبه عددی	مکتب عددی	طلبه عددی
آفیون قره حصار	۱۹	۱۸۰۰	۷۷	۵۶۰۰
بولی	۱۳	۱۳۶۹	۱۰۸	۶۹۸۲
اردو	۶	۶۷۰	۶۰	۳۲۹۰
ملاطیه	۲۵	۹۵۱	۸۷	۲۳۱۹
قوجه ایلی	۱۴	۱۳۸۷	۱۵۷	۸۹۴۱
دگزلی	۱۷	۱۹۸۵	۱۱۵	۷۴۳۲
کیره سون	۴	۷۰۰	۴۱	۳۰۰۰
ایچ ایلی	۶	۳۵۰	۴۵	۲۳۹۲
اسپارطه	۲۰	۱۲۰۰	۷۸	۵۰۰۰
اورفه	۱۳	۵۵۰	۲۷	۱۱۰۰
بوردور	۹	۶۴۹	۶۶	۴۵۰۰
یوزغاد	۱۲	۷۳۷	۵۶	۲۶۲۵
سیواس	۴۸	۱۹۸۲	۱۰۱	۵۲۳۳

تورکیه نك مختلف محالیرینه عائد معارف حرکترینی کوسترر جدول بو حقیقی اثباته کافیدر . جدوله داخل اولمایان دیگر ولایتارده ده وضعیت عینی در . هیئت عمومی اعتباریله تدقیق اولونورسه (۳۲۹) سنه سنده (۳۲۶۱) ایلك مکتب و (۳۲۰۰۰) ی قیز اولمق اوزره (۲۰۵۰۰۰) طلبه واردر . بوارقام ، مشروطیتک مکتبلریمزه ویردیکی فیضی اثباته کافیدر . کمیت و کیفیت اعتباریله معارف ابتدائیه مز بو کسلمشدر . بوقادار ترقیه رغماً عینی سنده تورکیه ده تحصیل کورمه ین ، مکتب بولامایان (۵۹۱۷۵۷) بی ارکک (۶۷۲۰۰۰) ی قیز اولمق اوزره بر میلیون کسورددر . بوندن دولای اوزمانک حکومتی معاتب طوتامایز . چونکه بوجو جوقلرک هپسینی اوقوته بیلمک اینجون یکیدن قرق بش

بيك مکتبه احتياج واردي . بومکتبلى آچه بيلمك ايچون ده كرك بنا ، كرك معاش اولارق بوگونكى پارهيه كوره يتمش ميليون ليرا لازمدر . حالبو كه اوزمانك بوتون معارف ابتدائيه بودجهسى (۳۷۰۰۰۰) ليرا ايدى . بوپاره ايله ، بوبودجه ايله بوتون تورکیده آرزو ايديلن مکتبلىر آچيله مازدى .

۳۳۸ - ۳۳۹ سنه لرينه كلنجه : معلومدر كه (۳۲۹) دن سوكراملكتده حرب عمومى هائلهسى باش كوستردى . مملكتك ايش اداملىرى ، كنجلىرى ، قوتلىلىرى جبهيه قوشمىلاردى . كيريده قادينلر وچوجوقلر قالمشدى . كويلارده چفت سورروب مملكته ذخيره يتيشديرن ، قصبه لرده نهوى اداره ايدن بوقادينلر وچوجوقلاردى . شه سزدر كه بو حال مکتبلىر اوزرنده بويوك برتائير براقدى . ضرورت چوجوقلرى مکتبه كيتمكدن منع ايدىوردى . مکتبه كيتمك ايسته ين چوجوقلر معيشت دردى قارشوسنده بودويكويى مقدس برامل اوله رق آنجق روحنده صاقلایور ، ايچين ايچين آغلايوردى . ايسته بوألم و فجييع حالله رغماً معارف ابتدائيه مزينه دورمادى ، كيريله مدى . بوسنه (۳۶۹۴) مکتبىمز وبومکتبلىره دوام ايدن (۲۳۸۰۰۰) طلبه مز واردى . هر درلو يوقلغه ويوقسوزلغه رغماً مکتب و طلبه عددى ينه آرتمشدر . (۳۴۰) سنه سنده ، هنوز ايچندن چيقديغمز ييلده معارف ابتدائيه مز چوق فيضلى ، چوق نورلى و چوق قيمتلى ثمره لر و يرمشدر . مکتب عددى (۴۷۵۸) و طلبه عددى (۳۹۳،۵۵۸) . يوكسلمشدر . برسنه ظرفنده (۱۰۶۸) مکتب (۱۶۵۰۰۰) طلبه آرتمشدر . بو ، حكومت مزك ، حكومت جمهوريه مزك ابتدائى معارفه ويرديكى اعظمى اهميتى كوسترير . موجود بودجهيه ، موجود وسائطه كوره شيمدىيه قادار كوزولمه مش برتزايد حاصل اولمشدر . بو ، معارف وكالتك ، جمهوريت دورينك مى وارلق واستقلال مز نقطه نظرندن اك اميدبخش وشرفلى خدمتلرندن بريسيدر . روحلره قوت وقدرت ويرمن بوشايان شكران تزايدك تمامديسى ايچون (۱۳۴۱) سنه سنده معارف ابتدائيه مز ايچون واردات منبعلى آرامق وبولمق لازمدر .

اورفه مبعوثى

بيتمه دي

رأفت